
БЕЛОРУССИЯЛИК ИШБИЛАРМОНЛАР ФАРҒОНАЛИК ЭКСПОРТЁРЛАР БИЛАН ҲАМКОРЛИКНИ ЙЎЛГА ҚЎЙИШМОҚДА

Бугун вилоят ҳокимлигида вилоят ҳокимининг ўринбосари Иқболжон Эргашев Белоруссия Савдо-саноат палатасининг Могилев филиали бош директори ўринбосари Татьяна Алексеева бошчилигидаги делегация аъзолари билан учрашди. Унда беларуссиялик импортёрларлар билан фарғоналик экспортёрлар ўртасида тўғридан тўғри ҳамкорликни йўлга қўйиш масаласи кун тартибидан ўрин олди.

Мулоқотда Фарғона вилояти, бу ердаги инвестицион муҳит, кўплаб хорижий давлатлардан ҳамкорлик қилиш истагини билдираётган тадбиркорлар ҳақида маълумот берилди. Шунингдек, юртимизда инвесторларга яратилаётган шарт-шароитлар, имкониятлар тўғрисида тўхталиб ўтилди.

Меҳмонлар вилоятимизда тайёрланаётган текстиль ва тўқимачилик маҳсулотларига яна бир бор қизиқиш билдирдилар ва улар учун мазкур йўналишларда тақдимот амалга оширилди. Унда вилоятнинг экспорт географияси, салоҳияти, енгил саноат маҳсулотларининг ўрни, бугунги кунда фаолият олиб бораётган йирик корхоналар ўз аксини топди.

Учрашувда вилоятимизда ҳам пахта хом ашёсидан тайёр маҳсулотгача бўлган ишлаб чиқариш занжири тўла йўлга қўйилгани таъкидланди.

Белоруссиялик ишбилармонларнинг вилоятимиздаги тадбиркорлар билан ҳамкорлик қилиш иштиёқи В2В шаклдаги музокаралар орқали янада мустаҳкамланди. Учрашувдан сўнг меҳмонлар вилоятимиздаги текстиль корхоналари билан танишиш мақсадида ҳудудларга йўл олдилар.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-03-16 15:18:36